

# Ogranci imana

[ Bosanski – Bosnian – بوسني ]

Muhammed b. Ibrahim b. Abdullah Et-  
Tuvejdžiri

Prijevod: Senad Crnkić

2013 - 1434

IslamHouse.com

# ﴿ شعب الإيمان ﴾

« باللغة البوسنية »

محمد بن إبراهيم بن عبد الله التويجري

ترجمة: سناد تسرنكتش

2013 - 1434

IslamHouse.com

## Ogranci imana

- Ogranaka imana ima mnogo. Oni obuhvataju lijep govor, djela organa i djela srca. Prenosi se od Ebu-Hurejre, radijellahu anhu, da je rekao: „Rekao je Allahov Poslanik, sallallahu alejhi ve sellem: *„Iman se sastoji od sedamdeset i nešto ogranaka ili šezdeset i nešto ogranaka. Najbolji ogranak su riječi La ilahe illallah, a najslabiji je otkloniti prepreku sa puta. I stid je ogranak imana.“*“ Muttefekun alejhi.<sup>1</sup>
- **Ljubav prema Poslaniku, sallallahu alejhi ve sellem:**  
Prenosi se od Enesa, radijellahu anhu da je rekao: „Rekao je Poslanik, sallallahu alejhi ve sellem: *„Niko od vas neće vjerovati sve dok mu ne budem draži od roditelja, djeteta i svih ljudi.“*“ Muttefekun alejhi.<sup>2</sup>
- **Ljubav prema Ensarijama:**  
Od Enesa, radijellahu anhu, također, se prenosi da je rekao Allahov Poslanik, sallallahu alejhi ve sellem: *„Ajet ili znak imana je ljubav prema*

---

<sup>1</sup> Muttefekun alejhi, a hadis bilježi Buhari, br. 9 i Muslim, br. 35, i tekst hadisa je njegov.

<sup>2</sup> Muttefekun alejhi, a hadis bilježi Buhari, br. 15, a izraz hadisa je iz njegove zbirke, a prenosi ga i Muslim, br. 44.

*Ensarijama, a ajet nifaka ili licemjerstva je mržnja prema Ensarijama.*“ Muttefekun alejhi.<sup>3</sup>

- **Ljubav prema vjericima:**

Prenosi se od Ebu-Hurejre, radijellahu anhu, da je Allahov Poslanik, sallallahu alejhi ve sellem rekao: *„Nećete ući u Džennet sve dok ne budete vjernici, a nećete vjerovati sve dok se ne zavolite, pa hoćete li da vas uputim na nešto, ako budete činili voljet ćete se? Širite selam među sobom!*“ Hadis bilježi Muslim.<sup>4</sup>

- **Ljubav prema bratu muslimanu:**

Od Enesa b. Malika, radijellahu anhu, se prenosi da je Allahov Poslanik, sallallahu alejhi ve sellem rekao: *„Niko od vas neće vjerovati sve dok ne bude volio svome bratu ili je rekao komšiji ono što voli sebi.*“ Muttefekun alejhi.<sup>5</sup>

- **Počast gostu i komšiji, te šutnja osim ako je govor koristan:**

Prenosi se od Ebu-Hurejre, radijellahu anhu, da je Allahov Poslanik, sallallahu alejhi ve sellem, rekao: *„Ko bude vjerovao u Allaha i Sudnji dan,*

---

<sup>3</sup> Muttefekun alejhi, a hadis bilježi Buhari, br. 17, a izraz hadisa je iz njegove zbirke, a prenosi ga i Muslim, br. 74.

<sup>4</sup> Hadis bilježi Muslim, br. 54.

<sup>5</sup> Muttefekun alejhi, a hadis bilježi Buhari, br. 13 i Muslim, br. 45, a izraz hadisa je iz njegove zbirke.

*neka priča dobro ili neka šuti. Ko bude vjerovao u Allaha i Sudnji dan, neka počasti komšiju. Ko bude vjerovao u Allaha i Sudnji dan neka počasti gosta.“ Muttefekun alejhi.<sup>6</sup>*

- **Naređivanje na dobro a odvrćanje od zla:**  
Prenosi se od Ebu-Seida El-Hudrija, radijellahu anhu, da je rekao: „Čuo sam Poslanika, sallallahu alejhi ve sellem kako kaže: „*Ko od vas vidi neko ružno djelo (munker), neka ga otkloni rukom, ako ne može onda jezikom, a ako ne može onda srcem i to je najslabiji iman.*““ Hadis bilježi Muslim.<sup>7</sup>
- **Savjet:**  
Od Temima Ed-Darija, radijellahu anhu, se prenosi da je Allahov Poslanik, sallallahu alejhi ve sellem rekao: „*Vjera je savjet.*“ „*Rekli smo: Kome Allahov Poslaniče?*“ „*Allahu, Njegovoj knjizi, Poslaniku, imamima (predvodnicima, vladarima) muslimana i običnom svijetu.*“ Hadis bilježi Muslim.<sup>8</sup>

---

<sup>6</sup> Muttefekun alejhi, a hadis bilježi Buhari, br. 6018 i Muslim, br. 48, a izraz hadisa je iz njegove zbirke.

<sup>7</sup> Hadis bilježi Muslim, br. 49.

<sup>8</sup> Hadis bilježi Muslim, br. 55.